

*D'Jongbaueren
a Jongwënzer
soe merci,
iwerléen
a plangen!*



Wann an enger Organisatioun de „Cinquantenaire“ gefeiert get, dann ass én un éischter Stell dénen dankbar, déi de Verein gegrond hun: den Idealisten vun 1928.

Eise Frenn hire grousse Verdengscht war et, déi vill verspréte Kräften um Land ze verénegen an aus hinnen eng Organisatioun ze schafen, déi bis haut eng wichteg national Dimensioun behalen huet. Aus désselwechter Zeit stamen iwregens och déi 1. Raiffeisekésen, wat e weidere Beweis dierft sen, vun der Solidaritéit aus dér Zeit.

Et bestong duerno och nach nie e Grond fir t'Dosinsberech tegung vum Jongbauer- a Jongwënzerbond a Fro ze stellen, well de gudde Fong, dien eise Verein vun Ufank un hat, huet eis nach iwer all echt Schwieregkét ewegehollef.

Villes, wat haut Fortschrett genannt get, stamt aus déne Grenungsjoeren oder steipt sech op Prinzipien, déi démols scho bekannt waren.

D'Landwirtschaft huet déi Fortschrett ömmer gesicht a konnt do durch d'Produktivitéit vun hirer Arbecht méi rapid steigeren wéi d'Industrie an dem Handel, an trotzdem get de Gruew teschen de Baueren an dénen aneren Berufsschichten ömmer méi déif.

Am Laf vun déne vergangenen 50 Joer huet d'Konzentratiouen an der Landwirtschaft d'Zuel vun de Baueren esou ageschránkt, datt sie virun ömmer méi grouss Problemer gestallt gin. D'Resultat vun der Landflucht, déi hei zu Letzeburg zwémol méi rapid ass wéi am Ausland: d'Jongbaueran an d'Jongwënzer sin eng Minoritéit gin, déi zwar vill Argumenter hun fir sech ze verdédegen, mais dénen et awer un der néideger Zuel Leit fehlt, fir hir Positioun vis-à-vis vun dénen anere Berufsschichten ze behapten.

Mais, trotz dem Akommesverfall an der miserabeler sozialer Lag, huet de Jongbauer- a Jongwénzerbond nach nie résignéiert, an sech ömmer rem beréftond, fir nei Léisungsvirschléi ze machen.

Als éischt Jugendorganisatioun hu mir op d'Realitéit vum Jongbauereproblem higewisen an é Gesamtkonzept fir seng Léisung op den Desch geluegt. Haptächlech triede mer an fir eng Léisung vum Renteproblem, déi net nemmen d'Problem vun eisen Elteren léist, mais an engems én Dél vun de Jugendproblemer ass. Weider wönsche mir, datt méi Bauerekanner eng besser Virberéitung op hire Beruf kréien an datt d'Jongbauer- a Jongwénzer mat manner Schwieregkéten ze kämpfe kréien, wann se de Betrieb iwerhuelen.

Doniewt hu mer an eiser Organisatioun alle Jugendlechen aus dem Landmilieu t'Dir grouss opgemach (Landjugend). Entgéint munneche Befirchtungen hun des nei Mitglieder sech net als Konkurrenten profiléiert, mais mir hun an hinnen interessant a wertvoll Partner entdeckt.

D'Entwicklung weist eis, datt mir puer Baueran hei zu Letzeburg, a mir Letzeburger iwerhapt, némnen an engem verénegten Europa iwerliewe können. Aus dém Grond hu mir och gehollef, de „Conseil Européen des Jeunes Agriculteurs“ grenden, dien iwigens de Januar 1978 zu Berlin op sengem Kongress é klort Bekenntnis fir Europa ofgeluegt huet; als konfessionell Bewegung stonde mir ebenfalls, op Weltplang, un der Wéi vum MIJARC.

Eis Suerg gelt och engem, wann net dém gréisste Problem vun eiser Zeit: der „Dretter Welt“. Dem Père Spoden an eisen Entwicklungshelfer verdanke mer, datt de Jongbauer- a Jongwénzerbond an der Obervolta an zu Djuma (Zaire) é groussartegen Numm huet. Dovun konnten sech dest Joer 25 jong Letzeburger op der Plaats sälwer iwerzégen.

Dese kurzen Iwerbleck léisst vleicht nemmen dat Spektakulärt zum Virschein kommen. Ouni den Idealismus vun all eise Mitglieder aus déne ville Gruppen an aus dem Nationalkomitee, ouni den Dévouement vum Mgr. Elz, dén des Feierlechkéten leider net méi kann erliewen, ouni dem Père Spoden an dem Här Kirsch hir Hellef, wär de Jongbauer- a Jongwénzerbond net dat, wat en ass.

Déne ville Frenn a Bekannten vum 50jährege Jongbauer- a Jongwenzerbond göllen d'Feierlechkéten vum 4., 6., a 7. Mé 1978. Sie sollen sech mat eis fréen, a mat hirer Hellef an Initiativ kann de Letzeburger Jongbauer- a Jongwénzerbond duerno mat Erfolleg erem nei un d'Arbecht goen.

*Charles Goerens,
Nationalpräsident vum
„Jongbauer- a Jongwénzerbond“*